

野草诗花

金常政

题老照片集(新声韵)

一路青春雾水中,往昔时日已朦胧。
廿年无奈书乡醉,半世多情晓梦空。
苦辣生涯诗与酒,黑白岁月雪和风。
何须色彩徒装点,我素我行成始终。

王 澍

温总理融冰之旅

一衣带水着冰封,东渡温揆挟暖风。
议会初闻心语挚,座宾频鼓掌雷隆。
亲民作客农家院,跑步抡球黎庶中。
赤子胸怀如火热,喜看厚冻正消融!

王 渭

重逢在燕园

2005 年是北京大学物理系 59 级毕业 40 周年,
全国各地的学友重返燕园欢聚。40 年来,道路坎坷,人
生苦短。今聚一堂,宁无百感,吟成小诗。

严冬酷暑忆当年,春日重逢返燕园。
岁月蹉跎经患难,路途险峻勇登攀。
甘于寂寞书中乐,淡对虚名苦后甜。
湖畔柳梢垂塔影,银丝两鬓已飘然。

苏仲湘

世纪之交漫兴

世纪之交天地春,笙歌万里地球村。
五洲仍满玄黄血,举世应尊大写“人”。
德赛精神环保愿,马恩真义自由魂。
百年心力昭昭在,写向桃符勖子孙。

戴 盟

菩萨蛮·茶亦醉人

琼浆润我心田净,一瓯相对心如镜。
龙井碧螺春,茶清亦醉人。 醉人茶亦
醉,醉意难回避。我亦化为茶,茶耶抑我
耶! ?

乐时鸣

临江仙·颂长征

纪念长征六十周年。

遵义城头升旭日,延安宝塔生辉。金
沙赤水创神奇。雪山天际越,草上大军
飞。 滚滚铁流流万里,铸成世纪丰
碑。精神骨气谱长诗。地球红一线,化作五
星旗。

27

野草
诗花

刘 波

入野草社有感

野草本无名，萋萋遍地生。
荒山添秀色，古渡润青坪。
不入金银谷，甘为木石盟。
几多春意在，婀娜任君评。

林 岫

惜黄花·苏北采风访山家

鸟啼声健，鸭眠沙暖。三两农家，柴门静，未同掩。绕屋樵青暗，蘸水鹅黄浅。古松径，者翻寻遍。灵境清幽，人儿难见。正藕分根、瓜分架、竹分箭。忽地轻舟过，笑语声声唤。约春后，樱桃红半。

萧永义

《野草》与祖国改革开放 同步三十年颂

白发红颜劫后灰，尚堪笔底走轻雷。
追风汗马将军令，出岫佳人日月媒。
黄竹歌凝寒雾远，玉龙鳞解锦涛开。
卅年野草九州碧，沧海横流百折回！

方淑慎

菩萨蛮·北京玉渊潭公园赏樱花

园中第一株樱花树，系1972年中日恢复邦交时，由日本首相田中角荣亲手所植。经园林工人精心

培育，今已繁花如盖。

朝绯浅织云霞幔，黄昏递落春风剪。
紫燕惜芬芳，倚枝梳晚妆。浓馨粘布履，忍踏樱花雨。怜汝自东瀛，蕊心凝友情。

蒋有泉

题鹳雀楼

拜尧揖舜依龙脉，立晋怀秦识帝渊。
朝送黄河奔海去，暮看白日恋山悬。
一从圣手登高赋，更令奇名举国传。
常唤清风娱墨客，犹邀明月和诗篇。
堪悲兵火三千里，骤断春秋八百年。
来者久仪楼不见，凭空长叹梦难圆。
幸逢盛世兴前废，重现雄姿峙故川。
追古焚香祈后土，吟今把酒酹新天。

王荫民

望江南·秋兴

人乍醒，帘外日西斜。南院碧梧初落叶，东篱黄菊欲开花。秋色满人家。
西风起，何必漫兴嗟？小饮玉浆持紫蟹，闲观金桂品清茶。秋景胜春华。

叶晓山

回乡遇雨

少小离家垂老回，难忘慈母倚门楣。

可怜一夜黄梅雨，犹似当年热泪飞。

郝一匡

短歌沧州铁狮子

古邑也曾出祥瑞，旧州真见铁狮媚。
人称此乃古狻猊，昂首向天神若恚。

历尽世间几劫波，麒麟剥蚀字消磨。
河东海晏不须吼，频听开元击壤歌。

冒雨吉

再祭甲申

油然感万千，又次甲申年。
一部闯王史，千秋警世篇。
骄奢忘所以，覆败理当然。
反腐今情迫，高吟共仔肩。

孙秀玲

中 秋（新声韵）

影断窗棱夜几更，蒙冤受辱盼春明。
怎得一个团圆月，半照黄梅半照京。

注：黄梅，地名，位于鄂北。

萧 瑶

绝句二首

十年风雨不寻常，不赶潮流气自昂。

魔难几经成铁汉，士心一立胜金刚。

纷繁万象任参差，吾道精微一贯之。
心物殊途非异致，格于极至尽良知。

陈 雄

游平谷挂甲峪

扫却狼烟挂甲归，六郎立马此扬威。
涓涓洵水弹弦月，灼灼桃花点翠薇。
复式楼台农户宅，半山宾馆贵宾扉。
诗人结伴今为客，把盏挥毫意兴飞。

周克玉

神州六号载人飞船成功畅想曲

又庆神舟上太空，无边宇宙一望中。
星河溅溅帆争渡，大地盈盈兵竞雄。
屏立嫦娥清丽影，翘期相聚广寒宫。
必将万象归同日，时见飞船织彩虹。

段天顺

全聚德烤鸭竹枝词

翘首扬神体态丰，姗姗凝重寓憨情。
京华美食鸭当首，不吃烤鸭枉到京。

注：北京旅游谚语：不到长城非好汉，不吃烤鸭真遗憾。

一架挑杆六尺长，鸭坯飞起入炉膛。

灸得香酥皮儿脆,犹带微微果木香。

注:北京烤鸭以桃、梨果木为燃料。

方 映

鹧鸪天·画梦

把盏挥毫画梦乡,色残墨醉笔轻狂。
扁舟斜影忽难辨,睡眼依稀认紫阳。
情入画,叹炎凉。莫涂枯树断桥霜。水遥山
远消魂处,一点苔痕飞絮忙。

游 默

欢呼我国神舟五号成功上天

射向重霄阊苑开,上天非梦驾舟来。
无边霄汉星如锦,灿烂霞衣任我裁。

李长春

鹊桥仙·夏游白洋淀

碧波湛湛,渔帆点点,鹭戏舟飞浪激。
穿游十里茂荷香,欲拂那,红花绿荻。
淀湾曲曲,苇田簇簇,竹护雁翎抗敌。似闻
烟浦荡歌声,大刀曲,铭心韵律。

常法宽

出游,闻两会闭幕

春和日暖减衣裳,携友郊游酒一觞。
好景不知天色暮,繁花尤胜去年香。

煌煌大政人为本,滚滚春江正起航。
共贺中央公选定,同心漫写大文章。

欧阳瑞林

大明湖即景

大明湖上雾如烟,水借微风漾碧莲。
历下亭前音乐起,小沧浪内柳蹁跹。

饶 宜

忆江南·春夜思故乡

春来也,云麓雾氤氲。阵阵惊雷甦万
物,声声布谷促耕耘。雏鸭戏萍新。

春正盛,湘水碧粼粼。柳绿桃红梨绽
蕊,莺歌燕舞鹤翔云。曙色染清旻。

春去矣,疏雨伴黄昏。桔子洲头归舸
渺,麓山寺外落红湮。夜夜忆亲人。

李 珉

咏昆玉河

依城水景对西山,胜迹连绵足壮观。
灯火繁星摇幻境,楼台广厦映新颜。
天随草碧金街外,人共波清玉带间。
况是琼花春又好,黄鹂相唤趁时还。

赵克义

五十初度

半世沧桑逐逝波，人间万象费琢磨。
今朝堂上弹冠客，昨日田间弄草禾。
月下同台狼共舞，灯前独影我孤哦。
重重心结为谁解？梦里犹闻好了歌。

马骏祥

重建黄鹤楼落成感赋

拔地撑天一座楼，梦圆已是百年秋。
废兴物有千般恨，聚散人生万种愁。
云鹤俱空横笛在，古今无尽大江流。
何时载酒同题咏？隔海归来破浪舟。

方俊民

远航

——献给党的十七大

东方巨舸气轩昂，破浪乘风向大洋。
无畏暗礁滩石险，何愁月黑朔风狂。
扬清澈浊尊民意，戮力同心为小康。
旗帜高扬航道阔，和谐兴盛谱华章。

钱明锵

戊子端阳

蒲葵开令序，鞭鼓沸中流。
榴火烧空畔，兰英绕砌幽。

唯将菑沴虑，难泯震殇愁。
心孔哀怜瘁，悲诗掩涕沔。

前 驱

浣溪沙·丽江水

古镇晶溪漱玉魂，绕街访户送清纯，
满城尽洗已无尘。盼化玉龙今古雪，
穿山劈石卷千军，滔滔为我洗乾坤。

杜琳瑛

满江红·纪念秋瑾就义一百周年

秋雨秋风，秋去也，秋心难歇。屏息
听，浙江潮水，声犹呜咽。白傅苏公长作
伴，鄂王少保今同列。孤山下，梅笛怨凄
凄，空凝噎。西泠路，重柳拂。西子
泪，清风抹。跨长虹看遍，绿波澄澈。大好
湖山归管领，无边风月教评阅。料碧血，化
作一天霞，看明灭。

林 峰

清平乐·早梅

晖斜云静，冷缀清霜影。香散梅边春
未醒，睡得百花酩酊。风中嫩蕊先
开，不随青帝同来。莫问芳心谁向，此情怕
是难排。